



**'t Limburgs
Vastelaovesleedjes
Konkoer**

Finale

vrijdag 31 januari 1997

De Hanenhof, Geleen.

Vööl plezeer bie:



de Finale van
**'t Limburgs
Vastelaovesleedjes
Konkoer 1997**

OMROEP  LIMBURG



Soosjeteit
Awt Prinse



Organisatie L.V.K. 1997:

Sjtichting Limburgs Vastelaovesleedjes Konkoer,
i.s.m. de S.A.P.:

Soosjeteit Awt Prinse van de Gelaense
Sjtadsvastelaovesvereniging 'De Flaarisse'

WOORD VEURAOF

Vandaag sjeit de Hanenhof in Gelaen op ziene kop. Zestien finaliste oet gaans Limburg zulle mit eèn in competisie goon. Um 'n oor of nege diezen aovend zul v'r wete wee de gelukkige is. 't Jaor 1997 is e record jaor gewore. Mer leefs 253 leedsjes woorte ingezonde en door een deskundige jury beoordeild. Vervolgens hèèt 't publiek massaal bonne ingesjik um zoe te bepaole welke 16 leedsjes in de finale terech zowwe kaome.

De Stichting LVK en Omroep Limburg zien d'r klaor veur, en de Sociëteit Awt Prinse van de Flaarisse van Gelaen aoch. 't Speul steit op de wage, de café-juries in 5 plaatse in Limburg spitse de oere, sjus wie de doezende en doezende luustereers toes aan de radio. 't Woord is aon Alf Poell en aon de 16 finaliste.

Veer hope tot 't weer 'n sjoen finale weurd en dat aoch geer weer allemaol zult genete van echte Limburgse leedjes. Oh jao, en vergeet neet us 3e CD 'Limburgs Bèste' te kaope: zier de meujte weerd.

31 januari 1997

Bestuur LVK

Chit Leenders, veurzitter
Stan Spauwen, secretaris
Maurice Swaen, penningmeister
Han Hardy
Henk Meijers
Hilde Bremmers
Jos Meeuwissen
Alf Poell, Omroep Limburg
Mia Frederiks, Omroep Limburg

Bond van
Carnavalsverenigingen in
Limburg



In 't midde vaan dit beukske véngt geer e scorebord om zellef stand bei te hauwte

1. MIEN STUM (Blerick)

Teks en meziek: Paul Lenders, Ruud Bettinger

Prizzentatie: Michel Jeurissen, Lei van Heister, Leonard Titulaer

Refrein

Wao heb ik mien stum gelaote
'k Heb zo'n meuite um te praote
Waorum bin ik zoë heis
Waorum goof mien stum de geis
Waorum, waorum, waorum
Waorum heb ik gen stum
Ik wil waal zinge maar det lök mich neet
Daorum heb ik toch zo'n verdreet
Waorum, waorum, waorum
Waorum heb ik gen stum

Vers 1

Altiëd in dae vastelaovestiëd
Bin ik dreej daag langk mien stum kwiët
Ik zoel gaer wille weite
Waorum mich de stum geit pleite
Ik snap neet wiej of det kin
Nae, ik slik ze toch neet in

Vers 2

Zing ik weer ein vastelaovesleed
Huur ik mei en dan mien stum gaar neet
Toch bliëf ik duchtig kwake
Wiesdet mich de stum geit krake
Auk al klink det neet zoë schoën
Ik zing toch d'n hoëgsten toën

2. VEER MAKE HIEJ DE KACHEL AAN (Geleen/Lindenheuvel)

Teks: Herman Geenen

Meziek: Huub Lemmens

Prizzentatie: Trio Biejeingeraapt

Vers

Jederein, groot of klein, sijnap dich in d'n erm
Lief aan lief, neet zoa sjtief, loup mer langzaam werm
Raogel in dae pot, dat doon v'r dèks te min
Kòm riet 'ns aan diej sjuuf, en vlam d'r same in

Refrein

Veer make hiej de kachel aan
en pakke òs biejein
Al vrus 't boete dat 't kraak
v'r werme òs aanein
Veer make hiej de kachel aan
't is sjus 'n loupending vuur
Pès es v'r sjtrak zeen opgebrend
dan zak de tempretuur

Tössjesjtök

La la la la la
la la la la la
Laaj 't vurke mer 'ns aeve op
sjmiet 'n sjöpke drop, hei, hei, hei
La la la la la
la la la la
In jeder Limburgs laok
wurt mit diej daag 'ns good gesjtaok

Vers

Sjuuf 'ns bieje, zieje aan zieje, mit de ganse zjwik
Veul uch ein, òngenein, dat geuf enne kik
Vunkel mer drop los en sjtraol 't same oet
Kòm riet diej klep 'ns aop, dan brent de ganse boet

Epiloog

En nao diej daag, van al dat gruus
maak veer 'n essjekruus! Hei!

3. DOEËSCH IS SJLIMMER NOG WIE HEEMWIEË (Landgraaf)

Teks: Jan Weyers

Meziek: René Krans

Prizzentatie: de prinseraad vaan Schaesberg

Refrein

Doeësch is sjlimmer nog wie heemwieë, dus drinke vier nog ee

Doeësch is sjlimmer nog wie heemwieë, kom gef os hej nog ee

Doe has ging row, ging row in dienne boam

wea sjluut heij aaf, wea hat d'r langste oam

Doeësch is sjlimmer nog wie heemwieë, dus drinke vier nog ee

Vers 1

Wilste 's oavends oetgoa, soeë richtig ouwwerwetsj

vertelste minnig wietske, doe blies geer bis 't lets

Sjleet de klok tweeë glazer, d'r wieëd dea wilt noa bed

daan zaan ig leeve tieëkemaan noen gef os heij nog get

Vers 2

Valle da um dreij oer, der wieëd zieng ooge tow,

Zeet dea maan, sjleet ier maar aaf, da hat de erm zieël row

't leeg gedemt de moeziek zach, gee miensch hat van os las

vier plekke minnig sjtuntje dra en hant de grutste sjpass

Vers 3

Mit de vastelaovend, dreij daag joeks en sjpass

blies get langer hange an tieëk hilste dag vas

De bee die sjtönt te razele, de heng krieste nit sjtil,

't Ganse lief hat heemwieë, mar witste wat ig zing....

4. HE GELÖKKIG (Weert)

Teks: Thon Wolter

Meziek: Thon Wolter, Ronald Moonen

Prizzentatie: Thon Wolter mit koer

Weem wiltj heej wat drinke, dootj mich mer wat
Dan taptj d'r mer e stök of tieen, det es neet zat
't Es wiekend, dus laot ich um gaon, det klíntj good, wacht vae kaome
beej uch staon

Ich wêrrek vief daag inne waek, mer det es mich toch eigeluk völ te lang
(völ te lang, völ te lang)
Ich bin van 's mergus vreug tot 's avovs laat dek den hieelen tiêd aanne
gang (aanne gang, Sjeng aanne gang)
Met in 't wiekend daon ich niks, dan wêrruk ich dus neet, dan bin ich vreej
(bin ich vreej, bin ich vreej)
Haadje mich dan us noeedig, schetjmer uut met zeuke want dan zit ich
heej (zit ich heej, zit ich heej)

Hé gelökkig, hé gelökkig, met vastelaovundj bin ich vreej
Hé gelökkig, hé gelökkig, en dan zit ich weer heej
Hé gelökkig, hé gelökkig, wi-jlang zeejae alweer heej?
Hé gelökkig, hé gelökkig, wat maaktj det uut, ich bin toch vreej

Ich wêrrek ouch noeets nao de tiêd, waer meug as ich dao noow al aan
dīnk (al aan dīnk, al aan dīnk)
Ich zit vol lever aanne bar, met ein of anger stök, zoe'e'n lekker dīnk
(lekker dīnk, lekker dīnk)
Heb mer viêf en twintjig snipperdaag, det es toch völ te weinig, es neet
zat (es neet zat, es neet zat)
Staon dus hieel dek in de zeekewet, maak eederein wat wiês, heb altied
wat (ha ha ha, ha ha ha)

5.HAD IK MAAR (Venlo)

Teks: Frans Boermans

Meziek: Sef Gubbels

Prizzentatie: Wiel Vestjens, Hay Crompvoets

Vers 1

Ik zoog ein hiël moei maedje
vreej nog, nao 't scheen
Nae ik had zônne schat
ech nog noëts gezeen
Ik woel 't waal ens waoge
nao um toe te gaon
Had um wille vraoge
maar neet gedaon

Refrein

Had ik 't maar neet gelaote
Had ik 't maar gedaon
waas ik maar wie ik det maedje zoog
toch d'rek d'rop aafgegaon
Nôw kan ik waal nao um fluite
Nôw brik det mien hert ocherm
want 't had ennen andere sies
aan zienen erm

Vers 2

Det ik zoë had gezemeld
heb ik zwaor berouwd
Want ik had spietig zat
op 'nen aos gehouwd
Dae sies ging 't um smaere
met dae schat vandoor
Nôw huur ik bewaere
det waas zien broor

Vers 3

Kumste ein maedje taege
en de zuus um gaer
Gen getoët bors veuroët
regelrech d'r haer
Twiefel neet iers ein eurke
gank d'r mei op stap
Wach noeits op zien breurke
of ziene pap

6. MET DIECH IN M'N ERREM (Maastricht)

Teks en meziek: Ursula en Bert Garnier, John Thoma

Prizzentatie: Duo Ammezasië

Refrein

Mèt diech in m'n errem

zweef iech wie e veugelke

En iech zing daobei 't hoegste leed

Es iech in dien ouge loer

daan kreig iech weer vleugelkes

lech zègk stèllekes daan in d'n oer:

lech wèl mèt diech danse, zoelang meziek weerklink

lech zeen ze vlege, zoegaw es iech aon diech dink

Mèt diech in m'n errem

zweef iech wie e veugelke

En iech zing daobie 't hoegste leed

Vers

Veer koume us eder jaor tege, in Mestreech mèt Karneval

Daan make veer samen e denske

dat iech noets vergete zal

lech huur of zeen daan niks mie, vergeet weer ederein

lech bin weer in de wolleke, veer zien daan weer eve bejein

7. MIT ING TROM (Wylre)

Teks en meziek: Huib Jaspar

Prizzentatie: Huib Jaspar en 't HTS-koer

Refrein

Ich hub un trom veur mit de carnaval
die hoat ich vas al wen ich auch uns val
en goan ich sloape dan steit ze an mie bid
ich num die trom joa ummer mit
ich hub un trom veur mit de carnaval
die hoat ich vas al wen ich auch uns val
en goan ich sloape dan steit ze an mie bid
ich num die trom joa ummer mit

Vers 1

Un trom dat is un instrement dat is u schoeën geval
die mak went me wilt flink rement uveral
En ome Kees die zegt: dat is nou kabaal
me dat is os dat is os joa allemaol egaal
Noe how, noe how, noe how mer op die trom

Vers 2

Vier howe mer en howe mer os bloare op gen heng
Daag lang met carnaval biete op gen teng
Der onkel Franz der sagt das ist ein scandaal
Me dat os dat is os joa allemaol egaal
Noe how, noe how, noe how mer op die trom

8.'T LAEVE (Tegelen)

Teks en meziek: Peter van den Akker

Prizzentatie: Theo Sturme en Marij Verhaag

Vers 1

Eedr'en daag begint
Weer altièd hiël bekind
Täöfelke gedek
Aan nörges gèn gebrek
Jao dan is 't priés
Ik weit dan auk preciès
Welke kant d'n daag veur mich oèt wiès

Refrein

Dan is 't laeve
Waat weej heej laeve
Eedr'en daag zoeë wie ik mein
Alzelaeve aeve fijn
Dan is ós laeve
Toch neet ónaeve
As-se zuus waat det dich haet te gaeve

Vers 2

As waat moeëjs gebeurt
Waat mich 't laeve kleurt
Geit vol gôjje haop
't Hert waat vaerder aop
'k weit det det neet luug
En mich auk noeëts bedruug
As 't gelök mich um mien oere vluug

SCOREBORD**VENLO****VAALS**

SCOREBORD	VENLO	VAALS
1.MIEN STUM (Blerick)		
2.VEER MAKE HIEJ DE KACHEL AAN (Geleen/Lindenheuvel)		
3.DOESCH IS SJLIMMER NOG WIE HEEMWIEE (Landgraaf)		
4.HE GELÖKKIG (Weert)		
5.HAD IK MAAR (Venlo)		
6.MET DIECH IN M'N ERREM (Maastricht)		
7.MIT ING TROM (Wylre)		
8.'T LAEVE (Tegelen)		
9.DE DIEKE TROM (Koningsbosch)		
10.VEER GOON NOG EVE DOOR (Meerssen)		
11.ALLEIN MET DICH! (Grubbenvorst)		
12.ICH MOT EN ZAL DICH KRIEGE (Reuver)		
13.HONDERDDOEZEND KIER (Venlo)		
14.AAN DE GANG (MET MIENE RAMMELESJANG) (Ulestraten)		
15.VEER SJTOAN IN 'T ROAD! (Guttecoven)		
16.DE VASTELAOVES INGEL (Maasniel)		